

大方等大集月藏經卷第九

虞九

高齊天竺三藏那連提耶舍譯

分布闍浮提品第十七

爾時世尊既知一切諸來大衆於三寶所皆生深信尊重敬仰得未曾有更不信事諸餘

度九  
天已告他化自在天王化樂天王兜率陀天王須夜摩天王釋提桓因四大天王及諸眷屬娑伽羅龍王阿那婆達多龍王羅睺羅阿修羅王毗摩質多羅阿修羅王啖婆利阿修羅王拔持毗盧遮那阿修羅王大樹緊那羅

王樂欲乾闥婆軍將檀提鳩槃茶軍將因陀羅夜叉軍將寒葉餓鬼王垂脣毗舍遮王阿那竭囉富單那王巷路喚聲迦吒富單那王等言諸仁者汝等一切如是勸請令我分布此闍浮提一切國土城邑宮殿王都聚落山巖寺舍園池曠野諸樹林間令作安置護持養育勿令有惡又令地精氣衆生精氣法精氣增長熾然佛正法眼久住世間紹三寶種使不斷絕損減三惡趣增長諸天衆令此闍浮提一切安靜豐樂可樂以是因緣我今以

此四天下中囑汝諸天一切諸龍乃至一切迦吒富單那王等各應發心捨離眷屬分布安置護持養育并汝諸天一切眷屬乃至迦吒富單那王等一切眷屬於此閻浮提一切國土乃至樹林分布安置護持養育是故汝等諸大天王及諸眷屬乃至迦吒富單那王及諸眷屬於此閻浮提皆應誠心隨喜讚歎莫瞋莫恨亦莫生怒爾時所有一切菩薩摩訶薩色界諸天欲界諸天一切諸龍乾闥婆緊那羅乃至一切迦吒富單那等諸來大衆

皆悉合掌各作是言我等一切誠心隨喜敬受佛教若佛世尊分布安置此閻浮提我等發心受佛教勅護持養育佛正法眼今得熾然佛言善哉善哉妙丈夫汝等應當如是誠心說欲隨喜爾時世尊告彼月藏菩薩摩訶薩言了知清淨士若我住世諸聲聞衆持戒具足捨具足聞具足定具足慧具足解脫具足解脫知見具足我之正法熾然在世乃至一切諸天人等亦能顯現平等正法於我滅後五百年中諸比丘衆猶於我法解脫堅固

後五百年我之正法禪定三昧得住堅固後  
五百年讀誦多聞得住堅固後五百年於我  
法中多造塔寺得住堅固後五百年於我法  
中闡諱言訟白法隱沒損滅堅固了知清淨  
士從是以後於我法中雖復剃除鬚髮身著  
袈裟毀破禁戒行不如法假名比丘如是破  
戒名字比丘若有施主捨施供養護持養育  
我說是人猶得無量阿僧祇大福德聚何以  
故猶能饒益多衆生故何況我今現在於世  
譬如真金爲無價寶若無真金銀爲無價若

無銀者鑄石爲無價若無鑄石偽寶爲無價  
若無偽寶赤白銅鐵白鐵鉛錫爲無價寶如  
是一切諸世界中佛寶爲無上若無佛寶緣  
覺爲無上若無緣覺羅漢爲無上若無羅漢  
諸餘聖衆爲無上若無聖衆得定凡夫爲無  
度九  
三

上若無得定淨持戒者爲無上若無淨戒汙  
戒爲無上若無汙戒剃頭著袈裟名字比丘  
爲無上寶比餘九十五種異道最尊第一應  
受世供以爲福田何以故能示衆生可怖畏  
故若有護持養育安置是人不久得住忍地

爾時世尊告彼法食喜食禪食諸天言此四天下大海島中所有八萬洲諸國土汝等法食喜食禪食諸天應當護持養育我法住法比丘如法順法發心修行三業相應剃除鬚髮身著袈裟者汝等應當護持養育時彼有法食喜食禪食諸天各作是言我當護持大海島中所有八萬洲諸國土諸佛正法若佛弟子乃至不私畜養婦女畜生田宅一切資產皆悉棄捨不積聚者我等皆悉護持養育爾時世尊讚彼天言善哉善哉一切大眾亦

復讚言善哉善哉爾時世尊告彼六欲諸天汝等應如過去諸佛所分得分應當護持復於此四天下時時之中勤加思惟佛正法義為今我法得久住故紹三寶種不斷絕故時彼諸天各作是言唯然受教爾時世尊讚彼六欲諸大天言善哉善哉一切大眾亦復讚言善哉善哉爾時世尊復告四大天王汝等及諸眷屬應如過去諸佛所分得分還作護持安置養育我之正法時四大天王各作是言唯然受教佛及大眾咸皆讚言善哉善哉

爾時世尊復告乾闥婆等作如是言諸仁者  
汝等及諸天仙於優曇林菴羅林闍浮林訶  
梨勒林阿摩羅林蒲萄林如是等林於中而  
住復共四天王宮諸天子等爲我佛法得久  
住故應當思惟佛正法義時乾闥婆等咸言

廣九

四

如是大德婆伽婆唯然受教爾時世尊讚彼  
乾闥婆言善哉善哉一切大衆亦復讚言善  
哉善哉爾時世尊復告婆伽羅龍王難陀龍  
王婆難陀龍王善現龍王婆樓那龍王婆修  
吉龍王得叉迦龍王阿難陀龍王阿樓那龍

王歲星龍王汝等各在大海之中住本宮殿  
護持養育我之正法時彼龍王各作是言唯  
然受教佛及大衆咸皆讚言善哉善哉爾時  
世尊復告阿那達多龍王善住龍王清脇龍  
王摩利尼龍王優婆羅龍王乾闥婆龍王雲  
池龍王主電龍王摩尼曼多龍王美音龍王  
言汝等各住本宮護持養育我之正法時彼  
龍王各作是言唯然受教佛及大衆咸皆讚  
言善哉善哉爾時世尊復告鳩槃荼檀提大  
將優波檀提大將迦羅迦大將摩訶鉢賒大

將摩呼陀遮利大將堦求尼大將婆朱賒尼  
大將鳩崛盧大將韓羅差大將一眉大將言  
汝等各住本宮護持養育我之正法時鳩槃  
荼大將各作是言唯然受教佛及大衆咸皆  
讚言善哉善哉爾時世尊復告因陀夜叉大

度九

五

將蘇摩大將婆樓那大將波闍鉢帝大將跋  
羅頭婆闍大將伊賚那大將旃檀那大將月  
眼大將婆多竭梨大將芳摩跋多大將言汝  
等各住本宮護持養育我之正法時夜叉大  
將各作是言唯然受教大德婆伽婆我等護

持養育安置世尊正法及住法比丘供給所  
須乃至剃頭不持戒者亦復供給一切所須  
為令佛法得久住故紹三寶種不斷絕故三  
種精氣得增長故休息一切鬪諍言訟怨讐  
疫病饑饉短非時亢旱曜宿失度為斷除  
故乃至世尊聲聞弟子三業相應不積聚者  
勤養育故爾時世尊讚彼大夜叉將言善哉  
善哉善男子汝等如是為利益安樂一切三  
界諸衆生故及一切大衆亦復讚言善哉善  
哉爾時世尊復告一切畢利多依曠野住者

一切毗舍遮依空舍住者一切富單那依野  
田住者一切迦吒富單那依於家間及廁邊  
住者言汝等各於住處護持養育我之正法  
時畢利多等各作是言唯然受教佛及大眾  
咸皆讚言善哉善哉爾時世尊復作是言諸

仁者所有諸天乾闥婆緊那羅夜叉羅刹龍  
王阿修羅鳩槃荼如昔世尊所分得分國土  
城邑聚落舍宅隨所得處爲作護持安置養  
育者我當隨喜一切大衆亦復隨喜若復有  
諸天龍夜叉乃至迦吒富單那等如昔世尊

所分得分國土城邑不正護持安置養育者  
我當於彼更復轉囑諸餘天龍令其安置護  
持養育各隨其國疆界土境善作護持我今  
復以波羅柰國付囑善髮乾闥婆千眷屬阿  
尼羅夜叉五百眷屬須質多羅阿修羅無  
量眷屬德義迦龍王百眷屬大黑天女五百  
度九眷屬汝等護持養育波羅柰國爲令我法得  
久住故紹三寶種不斷絕故遮障一切惡衆  
生故時善髮乾闥婆阿尼羅夜叉須質多  
羅阿修羅德義迦龍王大黑天女等各與眷

六

屬咸作是言大德婆伽婆我等護持養育安置波羅柰國周遍土境遮障不饒益養育饒益者乃至遮障一切不善諸惡衆生爾時世尊讚言善哉善哉諸來大衆亦復讚言善哉善哉爾時世尊復以迦毗羅婆國付囑大護善哉爾時世尊復以迦毗羅婆國付囑大護緊那羅仙千眷屬拘翅羅聲乾闥婆萬眷屬婆闍跋帝夜叉軍將千眷屬賒摩那連阿修羅二萬眷屬跋那牟支龍王一萬眷屬摩訶鉢鈸賚鳩槃茶大將五百眷屬旃連旃茶梨二大天女各一萬眷屬汝等共護迦毗羅城乃至遮障諸

至遮障諸惡衆生彼等一切皆作是言我等及諸眷屬護持養育迦毗羅婆國周遍土境乃至遮障諸惡衆生佛及大衆咸皆讚言善哉善哉爾時世尊復以摩伽陀國付囑善住炎光天子千眷屬優波羅乾闥婆千眷屬樂聲阿修羅千眷屬善臂龍王善意龍王各萬眷屬孔雀味阿修羅五百眷屬拘那羅大夜叉三千眷屬軍毗羅夜叉百千眷屬十象鳩槃茶大將百千眷屬憍惡天女奢意天女各十千眷屬汝等共護摩伽陀國乃至遮障諸

卷九

惡衆生佛及大衆咸皆讚言善哉善哉爾時世尊復以拘薩羅國付囑迷提羯那天子千眷屬樂勝乾闥婆大將十千眷屬烏麻緊那羅千眷屬具德龍王千眷屬弗沙鉢帝阿修羅五百眷屬婆樓那大夜叉將婆樓那王大夜叉將各五萬眷屬那茶迦鳩槃茶五百眷屬摩尼毗梨大天女千眷屬汝等共護拘薩羅國乃至佛及大衆咸皆讚言善哉善哉爾時世尊復以鴟迦國付囑月音天子萬眷屬樂欲乾闥婆大將霧浮樓乾闥婆大將各十

千眷屬阿摩羅軍緊那羅五百眷屬師子藏阿修羅五百眷屬旃檀大夜叉力幢大夜叉各五千眷屬奴羅車鳩槃茶二千五百眷屬摩訶迦梨天女二千五百眷屬汝等共護鴟迦國土乃至佛及大衆咸皆讚言善哉善哉爾時世尊復以般遮羅國付囑羅拏時天子五百眷屬樂歌乾闥婆七百眷屬摩葉緊那羅千眷屬般支迦夜叉將五千眷屬安闍瞿波阿修羅千眷屬樂法鳩槃茶五百眷屬左黑天女玉鬘天女各二千五百眷屬汝等共

護般遮羅國乃至佛及大衆咸皆讚言善哉  
喜哉爾時世尊復以蘇摩國付囉寶髻天子  
五千眷屬摩頭曼多乾闥婆千眷屬勝纏緊  
慶九那羅千眷屬優波般遮迦夜又將二千眷屬  
黑龍王千眷屬知欲阿修羅千眷屬鳩羅婆  
鳩槃茶六百眷屬斯多天女博義天女各五百  
百眷屬汝等共護蘇摩國土乃至佛及大衆  
咸皆讚言善哉善哉爾時世尊復以阿濕婆  
國付囉盧醯奴天子千二百眷屬流水乾闥  
婆千眷屬摩尼柘羅夜叉軍將五千眷屬阿

周羅阿修羅六百眷屬日光龍王無量眷屬  
摩尼柘利鳩槃茶五百眷屬不可取天女馬  
勝天女各二千五百眷屬汝等共護阿濕婆  
國乃至佛及大衆咸皆讚言善哉善哉爾時  
世尊復以摩偷羅國付囉善擇天子十千眷  
屬靜明乾闥婆千眷屬遊梯迦緊那羅二百  
眷屬勝欲夜叉乘人大夜叉各千五百眷屬  
無垢龍王千眷屬伽楞柘利阿修羅千眷屬  
墨色鳩槃茶千眷屬峯意天女二千眷屬汝  
等共護摩偷羅國乃至佛及大衆咸皆讚言

善哉善哉爾時世尊復以支提耶國付囑眷  
賢天子五百眷屬阿毘迦乾闥婆五百眷屬  
無垢緊那羅千眷屬除結夜叉無結夜叉各  
五百眷屬妙賢龍千眷屬普竹阿修羅五百  
眷屬牛王鳩槃荼三百眷屬勝優婆羅天女  
千眷屬汝等共護支提耶國乃至佛及大衆  
咸皆讚言善哉善哉爾時世尊復以婆蹉國  
付囑月光天子十千眷屬蓮花香乾闥婆千  
眷屬摩陀那累緊那羅五千眷屬大果夜叉  
五千眷屬阿樓那龍十眷屬惡樹阿修羅百

眷屬葉眼鳩槃茶五百眷屬阿那迦花天女  
千眷屬汝等共護婆蹉國土乃至佛及大衆  
咸皆讚言善哉善哉爾時世尊復以賒耶國  
付囑摩醯首羅天仙五千眷屬不酒乾闥婆  
千眷屬離垢緊那羅千眷屬因陀羅夜叉蘇  
摩夜叉各二千五百眷屬善現龍千眷屬牟  
真隣陀阿修羅王五百眷屬優波檀提鳩槃  
茶訖利迦賒鳩槃茶各二千五百眷屬鬼子  
叉天女善護天女各萬眷屬汝等共護貳耶  
國土乃至佛及大衆咸皆讚言善哉善哉爾

時世尊復以優禪尼國付囑月雲天子五百眷屬門牟乾闥婆千眷屬摩尼耳乾闥婆

百眷屬五惡夜叉千眷屬山臂龍王五百眷屬木手阿修羅三百眷屬善現鳩槃茶五百眷屬毛齒天女千眷屬汝等共護優禪尼國

乃至佛及大衆咸皆讚言善哉善哉爾時世尊復以摩訶羅陀國付囑孔雀髮天子五百眷屬樂欲乾闥婆虎就乾闥婆各五百眷屬乳味緊那羅<sup>一</sup>百眷屬主水龍王千眷屬樂寶阿修羅五百眷屬羖羝脚大夜又軍那羅大夜又各千眷屬鉢頭摩伽鳩槃茶大將五百眷屬婆樓尼大天女五千眷屬汝等共護摩訶羅陀國乃至佛及大衆咸皆讚言善哉善哉爾時世尊復以輸盧那國付囑千金天子

眷屬安隱天女千眷屬汝等共護修羅吒國乃至佛及大衆咸皆讚言善哉善哉爾時世尊復以摩訶羅陀國付囑孔雀髮天子五百眷屬樂欲乾闥婆虎就乾闥婆各五百眷屬乳味緊那羅<sup>二</sup>百眷屬主水龍王千眷屬樂寶阿修羅五百眷屬羖羝脚大夜又軍那羅大夜又各千眷屬鉢頭摩伽鳩槃茶大將五百眷屬婆樓尼大天女五千眷屬汝等共護摩訶羅陀國乃至佛及大衆咸皆讚言善哉善哉爾時世尊復以輸盧那國付囑千金天子

千眷屬善脇乾闥婆千眷屬白色那羅五百眷屬世辯夜叉千眷屬大富鳩槃茶五百眷屬極惡天女摩尼果天女各五百眷屬汝等共護輸盧那國乃至佛及大眾咸皆讚言善哉善哉爾時世尊復以摩尼謁鞞國付囉花者天子五百眷屬那羅延乾闥婆二百眷屬摩醯首羅花緊那羅三百眷屬毘流支夜叉五百眷百眷屬波羅奈子阿修羅百眷屬亦目鳩槃茶百眷屬雪王天女百眷屬汝等共護摩尼調鞞國乃至佛及大眾咸皆讚言善哉善哉

爾時世尊復以波吒羅弗國付囉婆羅流支天子千眷屬人花乾闥婆五百眷屬摩尼瞿沙緊那羅三百眷屬毘流支夜叉五百眷屬婆羅地阿修羅五百眷屬戶利瞿沙龍八百眷屬浮流尼鳩槃茶百眷屬毗樓陀天女五百眷屬汝等共護波吒羅弗國乃至佛及大眾咸皆讚言善哉善哉爾時世尊復以乾陀羅國付囉火布天子三千眷屬喜歌乾闥婆千眷屬大勝緊那羅五百眷屬師子髮夜叉五百眷屬伊羅鉢龍王千眷屬賢力龍王

千眷屬精氣主阿修羅五百眷屬後猴聲鳴  
槃茶百眷屬摩尼天女頻頭天女各千眷屬  
汝等共護乾陀羅國乃至佛及大眾咸皆讚  
言善哉善哉爾時世尊復以阿槃提國付屬  
師子愛天子五千眷屬摩羅曼多乾闥婆二  
千眷屬勝目緊那羅百眷屬蘇摩夜叉地行  
夜叉各千眷屬水伽羅阿修羅三千眷屬婆  
私陀荼龍千眷屬軍那羅又鳩槃茶千眷屬  
優波羅天女流泉天女名三千眷屬汝等共  
護阿槃提國乃至佛及大眾咸皆讚言善哉

善哉爾時世尊復以婆樓擎跋帝國付屬鷄  
婆利天子千眷屬衆妙乾闥婆五百眷屬博  
義流支緊那羅二百眷屬迦荼龍王優波迦  
荼龍王各二千眷屬毗摩阿修羅百眷屬月  
焱鳩槃茶三百眷屬自護天女摩尼頻頭天  
女各千眷屬汝等共護婆樓擎跋帝國乃至  
佛及大眾咸皆讚言善哉善哉爾時世尊復  
以帝跋尼國付屬師子齒天子五千眷屬薩  
陀曼多乾闥婆五百眷屬牟尼薩羅緊那羅  
百眷屬摩尼賢夜叉滿賢夜叉各二千五百

眷屬鐵耳阿修羅五百眷屬阿槃多鳩槃茶  
百眷屬薩市尼天女般支天女各千眷屬汝  
等共護帝跋尼國乃至佛及大衆咸皆讚言  
度九  
善哉善哉爾時世尊復以瞻波國付囑香雲  
天子并諸天仙一千眷屬德變乾闥婆二百  
十二  
眷屬求籌遮緊那羅百眷屬豎毛夜叉五千  
眷屬迦那迦阿修羅一百眷屬善現鳩槃茶近  
現鳩槃茶各五萬眷屬什目天女五百眷屬  
汝等共護瞻波國乃至佛及大衆咸皆讚言  
善哉善哉爾時世尊復以悉都那國付囑赤

雲天子千眷屬沾浮樓乾闥婆五百眷屬摩  
尼遮婆緊那羅百眷屬難勝夜叉一千眷屬泥  
茶鳩支阿修羅五百眷屬鞞菴迦鳩槃茶百  
眷屬靖默天女善目天女各一千五百眷屬  
汝等共護悉都那國乃至佛及大衆咸皆讚  
言善哉善哉爾時世尊復以西地國付屬山  
眼天子二百眷屬法喜乾闥婆百眷屬數支  
羅婆緊那羅百眷屬大身夜叉千眷屬執刀  
阿修羅百眷屬止流鳩槃茶三百眷屬金光  
天女黑光天女各二千五百眷屬汝等共護

西地國土乃至佛及大衆咸皆讚言善哉善哉爾時世尊復以富樓沙富羅國付囑何羅  
度九斯天子千眷屬難提乾闥婆百眷屬淨衆緊那羅百眷屬摩尼花夜叉千眷屬迦荼龍王阿婆羅羅龍王各二千五百眷屬大怖迦  
樓羅百眷屬訖多孫地阿修羅五百眷屬燒竹鳩槃茶五百眷屬多盧斯天女三目天女各百眷屬汝等共護富樓沙富羅國乃至佛及大衆咸皆讚言善哉善哉爾時世尊復以烏菴國土乃至佛及大衆咸皆讚言善咸善

哉爾時世尊復以寄薩離國付囑黑色天子千眷屬金色乾闥婆百眷屬跋那牟至緊那羅八十眷屬散髮夜叉五百眷屬力天龍王百眷屬那法遮利阿修羅百眷屬無垢聲鳩槃茶八十眷屬勝針天女鍼天女各五百眷

屬汝等共護寄薩離國乃至佛及大眾咸皆  
讚言善哉善哉爾時世尊復以金性國付囑  
禪那離沙婆天子五百眷屬摩那婆乾闥婆  
百眷屬善稱緊那羅百眷屬禪那離沙婆夜  
義五百眷屬寶冠阿修羅百眷屬香意鳩槃  
茶八十眷屬汝等共護金性國土乃至佛及  
大眾咸皆讚言善哉善哉爾時世尊復以摩  
都羅國付囑歌讚天子百眷屬五髻乾闥婆  
五百眷屬威德緊那羅八十眷屬堅鉢夜叉  
五百眷屬冰伽羅阿修羅五百眷屬賢目鳩

槃茶百眷屬沾浮樓天女五百眷屬汝等共  
護摩都羅國乃至佛及大眾咸皆讚言善哉  
善哉爾時世尊復以敷離迦國付囑財目天  
子千眷屬善項乾闥婆百眷屬賒摩鳩斯緊  
那羅五百眷屬堅固夜叉五百眷屬耶婆那  
夜叉千眷屬無畏緊那羅百眷屬跋羅頭婆  
唐九  
闥夜叉五百眷屬嚩婆何利阿修羅八百眷  
屬瞿伽义鳩槃茶三百眷屬嚩婆何利羅刹  
五百眷屬釋迦羅刹五百眷屬汝等共護敷  
雜  
離迦國乃至佛及大眾咸皆讚言善哉善哉

爾時世尊復以般遮囊伽羅國付囑婆婆叉  
天子千眷屬月光乾闥婆百眷屬園目夜义  
千眷屬大雲阿修羅五百眷屬訶奴闍鳩槃  
茶百眷屬摩尼枳薩梨天女五百眷屬多摩  
羅娑利天女千眷屬汝等共護般遮囊伽羅  
國乃至佛及大衆咸皆讚言善哉善哉爾時  
世尊復以波斯國付囑檀菟師天子五千眷  
屬拘毗羅乾闥婆三千眷屬梨鞞摩師緊那  
羅千眷屬住勇夜叉五百眷屬那摩羅王夜  
叉五百眷屬菴羅提他乾闥婆千眷屬伊沙

那時緊那羅千眷屬場婆拘支鳩槃茶四千  
眷屬那羅斯羅刹五千眷屬訶梨達羅刹二  
千眷屬汝等共護波斯國土乃至佛及大衆  
咸皆讚言善哉善哉爾時世尊復以勑勒國  
土付囑佉樓那天子千眷屬妙好乾闥婆五  
百眷屬帝利迦緊那羅五百眷屬三針夜叉  
二萬眷屬怖畏夜叉十千眷屬休流歇龍千  
十五眷屬金耳阿修羅千眷屬善林樹鳩槃茶千  
眷屬金枳薩羅羅刹五千眷屬汝等共護勑  
勒國土乃至佛及大衆咸皆讚言善哉善哉

爾時世尊復以巨耶那國付囉海希天子千  
眷屬那茶浮乾闥婆百眷屬馬目緊那羅百  
眷屬花齒夜叉二千眷屬大齒夜叉一千眷屬  
優波羅耳龍五百眷屬動手阿修羅百眷屬  
解脫鳩槃茶百眷屬質摩只薩梨羅刹女五  
百眷屬黑闍羅刹護門羅刹各二千五百眷  
屬月光羅刹千眷屬汝等共護巨耶那國乃  
至佛及大衆咸皆讚言善哉善哉爾時世尊  
復以尸離耶摩國付囉黑髮天子百眷屬金  
臂乾闥婆八十眷屬風響緊那羅百眷屬阿

樓那夜叉千眷屬八髮夜叉千眷屬上踊龍  
王百眷屬快作阿修羅百眷屬香筍鳩槃茶  
五百眷屬黑澤天女五百眷屬汝等共護尸  
利耶摩國乃至佛及天衆咸皆讚言善哉善  
哉爾時世尊復以跋離迦國什屬赤銅色天  
子八百眷屬焰眼乾闥婆百眷屬針墨緊那  
羅百眷屬牟耳夜叉五千眷屬縣羅羯那龍  
百眷屬息牛阿修羅百眷屬阿毗拏薩利鳩  
槃茶五百眷屬長苗天女妙勝天女各五百  
眷屬汝等共護跋離迦國乃至佛及大衆咸

皆讚言善哉善哉爾時世尊復以罽賓那國付囑怖黑天子五千眷屬五音乾闥婆千眷屬水性緊那羅五百眷屬廣執夜叉三萬眷屬長生夜叉流雲解脫夜叉各二千五百眷屬侯羅茶龍十千眷屬鬱金阿修羅千眷屬陀樓跋尼鳩槃茶五百眷屬正辯天女千眷屬園林羅利女十千眷屬汝等共護罽賓那國乃至佛及大眾咸皆讚言善哉善哉爾時世尊復以優羅賒國付囑那羅摩乾闥婆百眷屬五怖夜叉二千眷屬尸利沙夜叉一千眷

屬汝等共護優羅賒國乃至佛及大眾咸皆讚言善哉善哉爾時世尊復以佉羅婆羅國付囑時蘭那乾闥婆百眷屬花寶夜叉千眷屬善樂目龍千眷屬怖人鳩槃茶五百眷屬順欲天女一百眷屬汝等共護佉羅婆羅國乃至佛及大眾咸皆讚言善哉善哉爾時世尊復以阿踈居迦國付囑牟尼佉利夜叉二千眷屬好施羅刹千眷屬婆稚龍五百眷屬止雲鳩槃茶百眷屬訶梨帝羅刹女千眷屬汝等共護阿踈居迦國乃至佛及大眾咸皆讚

庚九

十六

言善哉善哉爾時世尊復以達羅陀國付囑  
鞞婆達利乾闥婆百眷屬道路夜叉黃頭夜  
叉勇健夜叉各千眷屬跋陀龍王二千眷屬  
孔雀毛龍王一百眷屬生解天女毛羅闍利天  
女各二百五十眷屬汝等共護達羅陀國乃  
庚九  
至佛及大衆咸皆讚言善哉善哉爾時世尊  
復以弗梨沙國付囑奪意夜叉戒賢夜叉各  
五百眷屬雲腹龍王三百眷屬離惡鳩槃茶  
八十眷屬搖跋質羅天女百眷屬汝等共護  
弗梨沙國乃至佛及大衆咸皆讚言善哉善

庚九

十七

哉爾時世尊復以伽賚國付囑持花乾闥婆  
摩睺羅伽乾闥婆各千眷屬枳持夜叉毗持  
夜叉各二百五十眷屬光掌龍王勝奪龍王  
各五百眷屬阿樓尼天女花目天女各二百  
五十眷屬汝等共護伽賚國乃至佛及大衆  
咸皆讚言善哉善哉爾時世尊復以遮居迦  
國付囑劔婆羅龍王五百眷屬極惡鳩槃茶  
百眷屬刪朱波毗舍遮百眷屬星目羅刹女  
五百眷屬天燈餓鬼將二百眷屬歇惡夜叉  
三百眷屬汝等共護遮居迦國乃至佛及大

衆咸皆讚言善哉善哉爾時世尊復以徒提國付囑具足龍王善道龍王各百眷屬堅目鳩槃荼百眷屬八毗那耶迦天女一百眷屬道神天女尸利天女各二百五十眷屬珂貝天女安住天女各五十眷屬汝等共護徒提國土乃至佛及大衆咸皆讚言善哉善哉爾時世尊復以沙勒國付囑髮色天子百眷屬時世尊復以沙勒國付囑髮色天子百眷屬護國乾闥婆百眷屬佛護夜叉助雹夜叉各五百眷屬孔雀項龍王百眷屬山目龍女五百眷屬訖利波賒鳩槃荼五百眷屬持德天

女龍護天女各二百五十眷屬汝等共護沙勒國土乃至佛及大衆咸皆讚言善哉善哉爾時世尊復以于闐國土付囑難勝天子千眷屬散脂大夜叉將十千眷屬羖毘脚大夜叉眷屬散脂大夜叉將十千眷屬羖毘脚大夜叉義八十眷屬金花鬘夜叉五百眷屬熟舍龍王千眷屬阿那緊首天女十千眷屬他難闍梨天女五千眷屬毗沙門王神力所加共汝護持于闐國土乃至佛及大衆咸皆讚言善哉善哉爾時世尊復以龜茲國土付囑牟鎧天子千眷屬黃頭大夜叉千眷屬獸財羅刹

女千眷屬侯護大夜叉千眷屬跋齒鳩槃茶  
千眷屬尸利遮吒羅刹鹿齒羅刹各五百眷  
屬汝等共護龜茲國土乃至佛及大衆咸皆  
讚言善哉善哉爾時世尊復以婆樓迦國付  
囑齋茶夜叉千眷屬阿婆迦利鳩槃茶百眷  
屬垂乳羅利千眷屬汝等共護婆樓迦國乃  
至佛及大衆咸皆讚言善哉善哉爾時世尊  
復以鄒善國土付屬阿羅知天子百眷屬

以億尼國付屬勇健執蟹大夜叉將千眷屬  
象耳龍王三千眷屬吉迦知羅刹女雪池羅  
刹女各二千五百眷屬汝等共護億尼國土  
乃至佛及大衆咸皆讚言善哉善哉爾時世  
尊復以鄒善國土付屬阿羅知天子百眷屬

阿沙迦夜叉五千眷屬無著羅刹女十千眷  
度九屬汝等共護鄒善國土乃至佛及大衆咸皆  
讚言善哉善哉爾時世尊復以緊那羅國付  
囑亦目大夜叉十千眷屬不動媳槃茶千眷  
屬汝等共護緊那羅國乃至佛及大衆咸皆

讚言善哉善哉爾時世尊復以一切震旦漢國付囑毗首羯磨一切巧變化天子五千眷屬迦毗羅大夜叉將五千眷屬法護大夜叉將五千眷屬緊目大夜叉將五千眷屬大目大夜叉將五千眷屬勇健軍大夜叉將五千眷屬摩尼跋陀大夜叉將五千眷屬賢滿大夜叉將五千眷屬持威德大夜叉將五千眷屬阿茶薄拘大夜叉將五千眷屬般支迦大夜叉將五千眷屬婆修吉龍王五千眷屬須摩那果龍王五千眷屬弗沙毗摩龍王五千

眷屬訶梨帝鬼子母天五千眷屬伊羅婆雌大天女五千眷屬雙瞳目大天女五千眷屬汝等賢首皆共護持養育一切震旦漢國周遍土境於彼所有一切觸惱鬪諱怨讐忿競言訟兩降交戰饑饉疫病非時風雨冰寒毒熱悉令休息遮障不善諸惡衆生瞋恚麁畜苦辛澀觸無味等物悉令休息令我法眼得久住故紹三寶種不斷絕故三種精氣得增長故利益安樂諸天人故勤加護持以是因緣汝等今世及以後世常得安樂毗首羯磨

巧變化天子及與眷屬迎毗羅大夜叉法護  
夜叉堅目夜叉大目夜叉勇健夜叉摩尼跋  
陀夜叉賢滿夜叉持威德夜叉阿荼薄拘夜  
叉般支迦夜叉及與眷屬婆修吉龍王須摩  
那果龍王弗沙毗摩龍王及與眷屬訶梨帝  
鬼子母伊羅婆<sup>三九</sup>雌天女雙瞳目天女及與眷  
屬各作是言大德婆伽婆我等共護一切震  
旦漢國周遍土境休息一切鬪諍乃至增長  
三種精氣我等勤加護持養育乃至世尊聲  
聞弟子三業相應不積聚者倍復安置護持

養育爾時世尊讚言善哉善哉善男子汝應  
如是護持我法諸來大衆亦復隨喜讚言善  
哉善哉諸仁者我以間浮提一切國土付囑  
諸天乾闥婆緊那羅夜叉龍王阿修羅鳩槃  
茶諸天女等各令安置護持養育一切衆生  
是故汝等諸天龍王不得分者容忍莫恨所  
謂婆伽羅龍王阿那婆多龍王伊羅跋龍  
王婆樓那龍王善住龍王德又迦龍王恒河  
龍王辛頭龍王博叉龍王私陀龍王堤首尼  
龍王摩醯摸遮利龍王金腸龍王跋致蘇多

龍王弗婆鉢賒龍王衆色雲龍王拘那跋帝  
龍王阿斯多龍王遮彌羅龍王香山龍王那  
羅延面龍王婆婆牟支龍王那陀叉龍王如  
是等一百八十萬諸大龍王依此闍浮提住  
度九  
不得分者應當容忍汝等各住本宮護持養  
廿一  
育我之正法當作利益一切衆生行以是因  
緣汝等今世及以後世自利利他何以故彼  
諸天龍乾闥婆緊那羅夜叉阿修羅鳩槃荼  
天女羅刹女等隨其國土昔所住處彼諸天  
龍乃至天女爲護彼諸國土故安置養育

一切衆生是故汝等大夜叉王不得分者當  
應容忍莫恨所謂箭毛夜叉縣羅毗夜叉迦  
吒首利夜叉婆羅目企夜叉婆羅稚夜叉婆  
摩羅夜叉其梨迦夜叉由梯迦夜叉其梨  
訶夜叉滿面夜叉迦賒毗提夜叉護國夜叉  
樓迦夜叉箭抓夜叉波那流支夜叉狼抓夜  
叉師子怖夜叉阿樓尼夜叉修羅闍毗夜叉  
阿茶闍梨夜叉得叉梨師夜叉灰手夜叉蘇  
摩那虎夜叉羅摩那時夜叉惡叉尼棄羅夜  
叉質多羅夜叉佛護夜叉如是等八頻婆羅

諸夜叉大將依闍浮提種種寺舍園林泉池  
山巖林藪樹下安住不得分者應當容忍莫  
恨隨所住處乃至山林樹下各住本處護持  
養育我之正法利益安樂一切衆生行以是  
因緣汝等今世及以後世自利利他何以故

彼諸天龍乾闥婆緊那羅夜叉阿修羅鳩槃  
茶天女羅刹女等隨其國土昔所住處彼諸  
天龍乃至天女爲護彼諸國土故安置養  
育一切衆生是故汝等諸阿修羅王不得分  
者應當容忍莫恨所謂羅睺羅阿修羅王毗

摩質多羅阿修羅王波羅陀阿修羅王啖婆  
利阿修羅王牟真隣陀阿修羅王須質多羅  
阿修羅王跋稚毗盧遮那阿修羅王悉利羅  
耆阿修羅王黠羅跋支阿修羅王瞿摩闍毗  
阿修羅王毗茶<sup>茶九</sup>叉阿修羅王那耶遮利阿修  
羅王伽闍彌羅<sup>廿二</sup>阿修羅王初羅檀茶阿修羅  
王阿斯末羅阿修羅王迦摩趺知阿修羅王  
婆羅乾茶阿修羅王畢他摩尼阿修羅王波  
羅那佞性阿修羅王薩婆鷲伽叉阿修羅王訖  
賒婆侯阿修羅王如是等六萬那由他阿修

羅王住間浮提不得分者應當容忍莫恨各  
住本宮護持養育我之正法當作利益一切  
衆生以是因緣汝等今世及以後世自利  
利他何以故彼諸天龍乾闥婆緊那羅夜叉  
阿修羅鳩槃荼天女羅刹女等隨其國土昔  
所住處彼諸天龍乃至天女爲護彼諸國  
土故安置養育一切衆生是故汝等諸大天  
女應當容忍莫恨所謂歎大天女造光天女  
地解天女增護天女解脫天女增水天女少  
熱天女淨目天女饒財天女寶藏天女摩尼

抓天女黑繩天女隨時天女王頂天女天水  
天女明目天女蓮花天女優曇婆羅天女賒  
尸天女明炬目天女善意天女難勝天女勝  
目天女如是等六十二百千諸大天女依閻  
浮提種種塔寺城邑聚落園林泉池河邊山  
谷大海邊住不得分者汝等隨所住處各各  
於彼護持養育我之正法汝等於彼所有怖  
度九  
畏鬪諍怨讐饑饉疫病他方怨敵非時風雨  
冰寒毒熱悉令休息遮障不善諸惡衆生瞋  
恚癱瘓苦辛澁觸無味等物悉令休息令我

法眼久住世間紹三寶種不令斷絕三種精氣增長熾然利益安樂諸天人故勤加護持以是因緣汝等今世及以後世常得利益安樂衆生時彼六十二百千天女白佛言大德婆伽婆我等護持養育佛法休息闡諳增長一切三種精氣乃至世尊聲聞弟子三業相應無所積聚者我等勤加護持養育佛言善哉善哉善女人輩汝等應當如是護持諸來大衆皆亦隨喜讚言善哉善哉爾時世尊復告一切諸天乾闥婆乃至諸大天女言我今

與汝息諸諍訟大陀羅尼心汝等以此陀羅尼心故各於己國若曜宿失度攝諸衆生令得敬信一切闡諳悉得休息作是語已即說呪曰

多地夜多 摩陀那 摩陀那 瞽摩陀那  
阿婆摩多 阿考摩多 摩陀那佞性 阿差  
摩垓 波羅賒摩帝 阿利婆三摩摩帝尼  
佧摩帝 波賒摩帝 蘇遮羅擎摩帝阿毗  
婆摩帝 阿羅毗婆摩帝 悉陀頰他摩帝  
义婆摩帝 蘇婆訶

爾時娑婆世界主大梵天王從座而起向佛

合掌頭面作禮而作是言大德婆伽婆我今復以大陀羅尼降諸惡龍及惡鬼神護持國土遮障一切諸惡衆生作是語已即說呪曰哆地夜他 曼無囉牟囉囉牟囉那伽牟囉

那伽牟囉

阿敷囉牟囉

藥義牟囉 藥

义牟囉鳩槃茶牟囉 浮單那牟囉 迦吒富單那牟囉 阿耶婆牟囉 俟訶俟訶牟囉  
嚙訶訶訶訶 牟厨帝藥义牟囉囉婆訶囉婆訶囉婆訶囉婆訶 薩婆烏闌囉婆訶蘇

婆訶

爾時所有諸天龍王鳩槃茶餓鬼毗舍遮富單那迦吒富單那飲血食肉者皆悉驚怖憂愁恐懼向佛合掌頭面禮足而作是言唯願世尊大悲覆護我等云何復得存活佛言汝等且莫憂愁大地所有花果五穀藥草衆味清淨未食墮落地者如是花果衆味精氣汝等食之足得活命若復有人作食清淨遺落在地汝等亦當食其精氣而自充濟復有我諸聲聞弟子修禪定者以已善根呪願汝等

亦得色力精氣豐盛眷屬朋黨具足勢力若有施主施我弟子寺舍園林田地舍宅稱名庚九呪願汝當於彼與欲隨喜護持養育以是事故汝等宮殿當得增長若有施主施我弟子飲食衣服卧具湯藥受取之時稱名丁五呪願汝亦隨喜以彼呪願汝隨喜故汝等便得壽命增長顏容增長安樂增長朋黨增長勢力增長汝等晝夜應當精勤護持養育如是施主及以受者爾時世尊欲重明此義而說偈言兩足大法王 觀衆作是言 帝釋汝問我

各隨與其分 天龍鳩槃茶 夜叉修羅刹  
閻浮諸國土 城邑衆聚落 曠野諸樹林  
山巖井泉池 法眼得久住 諸惡令休息  
豐饒悉可樂 爲於閻浮提 四天中鬼神  
付囑勤護持 汝等捨眷屬 我復更分布  
莫瞋怒嫉妬 與欲當隨喜 法喜禪味食  
如是諸天衆 一切皆悉起 咸作如是言  
我等為正法 護持閻浮提 聲聞具持戒  
不為積聚者 剃頭不持戒 欲令法眼增  
我等皆至心 勸加護養育 導師告彼言

正法我滅後 具滿五百年 堅固住解脫  
五百年禪誦 五百造塔寺 至後五百年  
堅住於鬪諍 後時有剃頭 破戒無羞恥  
供養如是輩 亦得無量福 謐如金無價  
除金至銀寶 鍮石與銅鐵 白鏹及鉑錫  
世間若無寶 錫鏹爲最上 佛寶亦如是  
最尊獨第一 次寶辟支迦 羅漢餘證果  
得定淨持戒 破戒名字僧 深信求解脫  
若能供養彼 不久住忍地 必速證菩提  
六欲諸天等 寶國諸鬼神 住林乾闥婆

海中十大龍 十大鳩槃茶 夜叉十神通  
各住本宮殿 護持我正法 餓鬼住曠野  
毗舍遮空室 富單依野田 迦吒塚間住  
如是各隨喜 依分皆護持 依分不正護  
復勤惱於他 我以如是等 更轉付餘天  
度九  
諸龍夜叉衆 乾闥緊那羅 天如修羅等  
羅刹鳩槃茶 普遍諸國土 安置護養育  
迦毗波羅奈 摩伽拘薩羅 般遮耆佉國  
蘇摩阿濕婆 摩偷支提國 婆蹉及賒耶  
羅吒優禪尼 羅陀輸盧那 摩尼調韃國

乾陀波吒羅	槃提婆樓帝	跋尼悉都那
瞻波鉢浮尼	富樓沙富羅	烏長寄薩梨
金性摩都羅	波斯勑勤土	般遮囊伽羅
尸梨耶摩國	巨耶敷利迦	罽賓跋梨國
佉羅優羅賈	伽賒遮居國	達羅弗離沙
徒堤沙勒國	婆樓弓周迦	于闐及鄯善
龜茲緊那羅	震旦等國土	護持令安置
於此一切國	諸龍無分者	一百八十万
夜叉等無分	及八頻婆羅	修羅不得分
六萬那由他	天女等無分	六十二百千

我今悉謝汝 各住本宮殿 護持我正法  
 當與汝神呪 遮障惡衆生 休息諸惱害  
 一切聞諍訟 兮旱及水潦 病儉諸賊寇  
 增長三精氣 諸惡令休息 護持我正法  
 燥然三寶種 聲聞諸比丘 三業常相應  
第七  
 剃頭不持戒 一切皆護持 爲諸聲聞故  
 具捨諸田宅 飲食及湯藥 一切有所須  
第八  
 如是諸施主 汝等護養育

### 大方等大集月藏經卷第九

音釋

蹉七何羅吒知加羅陀丑加調鞞調丑舟  
切徒結  
迷伎丘迦陵羊曉切長音場烏闌  
切法切與焰同長音場烏闌  
闡音田于闡龜茲遮社尤切茲焰之塞  
國名也  
切叢音鄧善鄧時戰切鄧國名也  
羅善善國名也  
切伊跌